



TAUTURU NO NIA MAI

PAPAIHIA E
WATSON GOODMAN

E MEA TA MONI ORE

TAUTURU NO NIA MAI

“TAUTURU NO NIA MAI” te faaite mai nei teie nei irava parau o te Papairaa Mo'a o te tuhahia i na tumu e. E rave rahi te manao papu nei au te tataraa maitai a te Papairaa Mo'a te roto ia i te Bibilia ra.

Ta Parau a te Atua, ua no nia mai e hopoi mai ia, i te tauturu i te mau aau o te poia e o te poiha i te parautia. Ia tatarahapa te hoe taata e faarue oia i tana mau hare, e ani oia i te Fatu ia Iesu Mesia (Kirito) ia parahi i roto tona aau, ia tiaturi papu Iana e ia riro ei Faaora no'na, o te horoa mai i te oaoa e te hau. Teie te ohipa i tupu ia'u i te matahiti 1937, e mai reira mai ua au to maua haeraa o te Fatu ma te taupupu ore. Te ani atu nei au ia faahaehaa outou i raro a'e Iana ma te faarii i teie nei ihoa, o oia to outou Faaora e to outou Fatu mai te peu e aita a outou i faarii Iana.

—Watson Goodman

TE HERE O TE ATUA

1

Roma 5:8

Ua faarahi râ te Atua i to 'na aroha ia tatou nei, i te mea te vai taata hara noa nei â tatou, i pohe ai te Mesia no tatou nei.

Ioane 13:1

Hou te oroa i te pasa ra i ite ai lesu e ua tae i to 'na hora e faarue mai ai oia i teie nei ao, a reva 'tu ai i te Metua ra, oia râ i aroha i tana taata i te ao nei, aroha noa 'tura oia ia ratou e tae noa 'tura i te hopea ra.

Apokalupo 1:5

E no ò mai hoi ia lesu Mesia te ite parau mau ra, e te matahiapo mai te pohe maira, e te arii o te

mau arii o te ao nei. Ei ia 'na, ei tei aroha mai ia tatou nei, e ua tamâ ia tatou i ta tatou hara i to 'na ihora toto.

Ioane 3:16

I aroha mai te Atua i to te ao, e ua tae roa i te horoa mai i ta 'na Tamaiti fanau tahi, ia ore ia pohe te faaroo ia 'na ra, ia roaa râ te ora mure ore.

1 Ioane 4:8, 9

O tei ore i aroha ra, aore ia i ite i te Atua; e aroha hoi te Atua. Ua itea to te Atua aroha ia tatou nei, o te Atua i tonono mai i ta 'na Tamaiti fanau tahi i te ao nei, ia ora tatou ia 'na.

Tia mau atura tei paraubia mai e te Fatu i te vaha o te peropheta i taua mau mea atoa nei, a na ô mai ai ra e, Inaha, e hapu te hoê paretenia, e e tamaiti ta 'na e fanau, e e topahia oia ia Emanuela; oia hoi TE ATUA I Ô TATOU NEL, ia iritihia ra. —Mataio 1:22, 23

Ioane 14:9, 10

Ua parau atura Iesu ia 'na, O to 'u nei hoi parahiraa roa i ô outou nei e, e aore â oe i ite ia 'u, e Philipa? o tei hi'o mai ia 'u ra, ua hi'o ia i te Metua; eaha hoi oe i parau mai ai e, E faaite mai ia matou i te Metua? Aore oe i faaroo e tei roto vau i te Metua, e tei roto te Metua ia 'u?

1 Timoteo 3:16

Ua tia paatoa hoi e, e parau moe rahi to te paieti nei, oia hoi te parau ra e, i itea mai te Atua i roto i te taata nei, e i tiahia mai e te Varua, e i hi'ohia e te mau melahi, e i parau-haere-hia i ô te Etene, e i faaroohia i te ao nei, e ravehia 'tura i nia i to 'na ihora ao.

I vai na te Logo i te matamua ra, i te Atua ra hoi te Logo, e o te Atua hoi te Logo.... I riro mai nei te Logo ei taata e ua tiahapa mai i ô tatou nei, (e ua ite matou i to 'na hanahana, mai te hanahana e au i te Tamaiti fanu tabi a te Metua ra,) ua i i te maitai e te parau mau. —Ioane 1:1 e 14

IESU, TE TAMAITI A TE ATUA

3

1 Ioane 4:15

O te fa'i hua e, o Iesu te Tamaiti a te Atua, te parahi ra te Atua i roto ia 'na e te parahi ra oia i roto i te Atua.

Kolosa 2:9

Tei roto hoi ia 'na te i atoa a te Atua i te parahi-mau-raa.

E inaha, ua pii noa maira raua, na ô maira, Eaha ta oe ia mâua nei, e Iesu, e te Tamaiti a te Atua ra? I haere mai oe e haamauiui rahi ia mâua eiaha ia tae i te tau mau ra?

—Matajo 8:29

Luka 1:35

Ua parau maira te melahi ia 'na, na ô maira, E puo mai te Varua Maitai i nia iho ia oe, e na te mana

o te Teitei e tamärü i nia iho ia oe, e parauhia 'i hoi tena na tamaiti mo'a o te Tamaiti na te Atua.

Mataio 17:5

E te parau noa 'tura oia, e inaha! tapo'ihia maira ratou e te hoê ata anaana, e inaha, te hoê reo maira no roto i taua ata ra, i te na ôraa mai e, O tau Tamaiti here teie, ua mauruuru roa vau ia 'na; a faaroo ia 'na.

Ioane 10:36, 37

I pari mai hoi outou i te tuhi i ta te Metua i faataa e i tonono mai i te ao nei, o vau i parau ia 'u iho e, E Tamaiti au na te Atua? Aore au i rave i te ohipa a tau Metua ra, eiaha ia e faaroo mai ia 'u.

Ioane 8:23

Ua parau atura oia ia ratou, No raro nei outou, no nia vau: no teie nei ao outou, e ere au i te teie nei ao.

Ioane 11:25

Ua parau maira lesu ia 'na, Tei ai 'u te tia-faahou-raa e te ora, o te faaroo mai ia 'u ra, pohe noa oia e ora a ia.

Ioane 13:13

Te parau nei hoi outou ia 'u e, O te Orometua e te Fatu; e parau-tia ta outou: oia mau a hoi au nei.

Ioane 6:35

Ua parau maira lesu ia ratou, O vau te pane ora; o te haere mai ia

'u nei, e ore roa ia e poia, e te faaroo mai ia 'u nei, e ore roa ia e poiha.

Ioane 8:58

Ua parau atura lesu ia ratou, Amene, amene, e parau atu vau ia outou, Aita Aberahama i fanau, te vai nei au.

Ioane 10:7

Ua parau faahou atura lesu ia ratou, Amene, amene, e parau atu vau ia outou, O vau te uputa o te aua mamoe.

Ioane 9:5

Te parahi nei au i te ao nei, o vau te maramarama o teie nei ao.

Luka 5:5, 6

Ua parau maira Simona ia'na, na ô maira, E te Fatu, i haa noa na matou e ao noa a'enei te rui, e aore roa i noaa, e tuu râ vau i te upe'a o oe i parau mai na. E ia tuu ihora ratou, ua ati a'era ia ratou te i'a e rave rahi, motumotu ihora ta ratou upe'a.

Mataio 14:19-21

Ua parau atura oia i taua feia rahi ra, e taoto i raro i nia i te aretu, ua rave ihora oia i na pane e pae ra e na i'a e piti ra, hi'o atura i nia i te ra'i, haamaitai ihora, vavahi ihora i te mau pane, tuu atura i te mau pipi ra; e na ratou i opere na te mau taata atoa ra.

Amu ana'e ihora ratou e paia a'era, haaputu ihora i te toea maa e i a'era na ete rarahi hoê ahuru ma piti. E pae paha tausani tane taua feia i amu ra, te vai ra hoi te vahine e te tamarii.

Mataio 20:30 e 34

E inaha, te parahi noa ra e toopiti pue taata matapo i te pae aratia, e ite a'era te haere ra Iesu na reira iho, ua pii maira, na ô maira, E te Fatu, e te Tamaiti a Davida, e aroha mai ia mâua. . . . Aroha 'tura Iesu ia raua, faatiaia 'tura i to raua mata; araara a'era to raua mata i reira ra, e ua pee maira raua ia 'na.

6 IESU MESIA, TE POIETE E TE FATU

Kolosa 1:16

Na 'na hoi i hamani i te mau mea atoa nei, o to te ra'i, e to te fenua nei, o tei itea ia hi'o ra e tei ore i itea, te feia terono, e te feia hau, te hui arii, e te feia mana; e mea hamani-ana'ehia ia e ana, e no 'na ana'e.

Hebera 1:2

Atua, ... o tei parau mai ia ia tatou i teie anotau hopea i te Tamaiti, o tei haapaohia e ana ei Fatu no te mau mea atoa nei, e ua hamani hoi oia i na ao atoa nei ia 'na.

Roma 14:9

No reira hoi te Mesia i pohe ai, e i tia faahou ai i nia, e e tia hoi oia i

te oraraa, ia riro oia ei Fatu no tei pohe e no tei ora hoi.

Ioane 1:3

Na 'na i hamani te mau mea atoa nei, aore roa e, e ere oia i te hoê mea i hamanihia.

Te Ohipa 2:36

E teie nei, ia ite atoa te fetii o Iseaaela e, ua faariro-mau-hia oia e te Atua ei Fatu e ei Mesia, o Iesu mau nei â ta outou i faasatauro nei.

1 Korinetia 1:9

E parau mau ta te Atua, i haapaohia 'i outou no te amuiraa a ta 'na Tamaiti a to tatou Fatu a Iesu Mesia ra.

IESU MESIA, TO TATOU HAAVA

7

Roma 14:10

Eaha râ hoi oe i faahapa 'i i to taeae? e eaha hoi oe i vahavaha 'tu ai i to taeae? e tia atoa hoi tatou i mua i te haavaraa a te Mesia ra.

Roma 2:16

Ia tae i te mahana e haava 'i te Atua i te mau mea moe a te taata nei ia Iesu Mesia ra, i te evanelia na'u nei.

2 Timoteo 4:1

E teie nei, te parau hua 'tu nei au ia oe i mua i te aro o te Atua, e i to te Fatu ra i to Iesu Mesia, o te haava i tei ora ra e tei pohè ia fa mai oia ia tae i to 'na ra basileia.

Ioane 5:22

Aore roa hoi a te Metua taata i haava, ua pûpû-hua-hia mai te haava i te Tamaiti.

Mataio 25:32

E e haaputuhia to te mau fenna atoa i mua i to 'na aro: e na 'na e faataa ia ratou mai te tiai mamoe e faataa i te mamoe i te puaaniho ra.

Te Ohipa 10:42

E ua poroi iho oia ia matou e, e parau haere matou i te taata, e faaite hua 'tu hoi e oia tei haapaohia e te Atua ei haava i tei ora e tei pohe ra hoi.

Ioane 10:9

O vau te uputa; o te na ō nei mai ia 'u nei i te tomo ra, e ora ia, e haere ratou i roto e i rapae, e noaa hoi te maa.

Ioane 14:6

Ua parau atura Iesu ia 'na, O vau te e'a, e te parau mau, e te ora, aore roa e taata e tae i te Metua ra, maori râ ei ia 'u.

Ioane 8:24

I parau atu ai au ia outou e, e pohe outou ma ta outou hara atoa; ia ore outou ia faaroo e o vau ra, e pohe â outou ma ta outou hara atoa.

Hebera 5:9

E no te mea ua haamo'a-roa-hia oia, riro atura oia ei tumu no te ora mure ore no te feia atoa e faaroo ia 'na ra.

Hebera 7:25

E teie nei, e tia maitai roa 'tu ia 'na ia faaora i te feia e na reira 'tu ia 'na ra i te haere i te Atua ra, e tia hoi oia i te oraraa e a muri noa 'tu ei tia ia ratou.

Te Ohipa 4:12

Aore roa hoi e ora ia vetahi ê, aita 'tu hoi e i'oa i faaitehia mai i te taata i raro a'e i teie nei ra'i, e ora 'i tatou nei.

Luka 19:10

I haere mai nei hoi te Tamaiti a te taata nei e imi i tei moe ra e faaora.

1 Korinetia 1:30

E teie nei, tei roto outou i te Mesia ra ia Iesu ia 'na, o tei faarirohia e te Atua ei paari, e ei parau-tia, ei maitai, e ei ora no tatou.

Kolosa 1:12-14

Te haamaitai nei matou i te Metua, o tei faaau mai ia tatou ia au ia tatou te hoê tufaa i te a'ia o te feia mo'a i te ao ra. O tei faaora ia tatou i te varua mana o te pouri, e ua tahiti ê mai ia taou i roto i te basileia o ta 'na Tamaiti here ra;

no 'na i noaa 'i to tatou ora, te hara i faaorehia ra, i to 'na ra toto.

Apokalupo 5:9

Ua himene iho ratou i te himene api, i te na ôraa e, E au oe ia rave i te buka e ia vahi i te mau tapao taati ra: i taparahihia hoi oe, e ua hoo oe ia matou ei taata no te Atua, i to oe iho na toto, no roto i te mau opu atoa, e te mau reo atoa, e te mau nunaa atoa e te mau fenua atoa.

Tito 2:14

O tei horoa ia 'na iho no tatou, ia ora tatou ia 'na i te mau parau ino atoa ra, ia tamâ oia ia tatou ei taata mau no'na iho, e te itoito i te mau ohipa maitatai ra.

TE HOONARAA NA ROTO I TE TOTO O IESU MESIA

Ephesia 1:7

No 'na i noaa 'i te ora ia tatou i to 'na ra toto, i te hara i faaorehia nei no te rahi o to 'na ra aroha mau.

1 Ioane 1:7

Ia haere râ tatou na te maramarama, mai ia 'na i roto i te maramarama ra, te au nei ia tatou tatou iho, e te mâ nei tatou i ta tatou mau hara atoa i te toto o ta 'na Tamaiti, o Iesu Mesia ra.

1 Petero 1:18, 19

Ua ite hoi outou e aore outou i hoohia i te mea e ino noa ra, mai te

ario e te auro, i ta outou parau faufaa ore i tuuhia mai e to outou hui metua ra; i te toto tao'a râ o te Mesia ra, mai to te arenio ino ore e te mai ore.

Roma 5:9

E teie nei, ua tiahia tatou i to 'na ra toto, e rahi atu ia to tatou ora ia 'na ra i te pohe.

Hebera 9:14

A tae ai hoi i te toto o te Mesia ra, o tei pûpû ia 'na iho ma te ino ore i te Atua, i te turu o te Varua pohe ore ra, e rahi atu ia te mâ o to outou aau i te ohipa pohe, ia haamori outou i te Atua ora ra?

TE ORA MA TE FAAROO IA IESU MESIA 11

Ephesia 2:8, 9

I ora hoi outou i te aroha mau i te faaroo; e ere hoi ia i to outou iho: e mea horoahia mai ia e te Atua: e ere i to te ohipa, aita 'tura o te taata nei e teoteoraa.

Galatia 5:6

I te Mesia nei hoi ia Iesu, aore o te peritome faufaa, aore hoi to te peritome ore, o te faaroo râ e faatupu i te hinaaro ra.

Ioane 6:28, 29

Ua ui atura ratou ia 'na, Eaha ta te Atua ohipa i hinaaro ia rave matou? Ua parau maira Iesu ia ratou, na ô maira, Teie ta te Atua

ohipa hinaaro, ia faaroo outou ia na i ta 'na i tonono mai.

1 Ioane 5:4

O ta te Atua hoi i fanau ra, te vi nei teie nei ao ia 'na; teie hoi te mea e vi ai teie nei ao ia tatou, o to tatou faaroo.

Roma 5:1

E teie nei, ua tiahia tatou i te faaroo, e hau to tatou i te Atua ra, i to tatou Fatu ia Iesu Mesia ra.

Ioane 20:31

O teie râ tei papaihia, ia faaroo outou e, o Iesu te Mesia te Tamaiti a te Atua, e ia noaa hoi to outou ora i to 'na i'oa i te faarooraa.

1 Petero 1:3

Ia haamaitaihia te Atua te Metua o to tatou Fatu ra o Iesu Mesia, o tei faafanau faahou ia tatou no te rahi o to 'na ra aroha, ia noaa te mana'o ora i te tia-faahou-raa o Iesu Mesia mai te pohe maira.

Mataio 18:11-14

I haere mai hoi te Tamaiti a te taata e imi e faaora i tei moe ra. Eaha to outou mana'o? ia hanere te mamoe a te hoê taata, ia haere ê ra te hoê, e ore anei oia e vaiiho i te iva ahuru e iva tiahapa ra i nia i te mou'a, a haere a maimi ai i tei haere ê ra? E itea 'tura ia'na, oia mau ta 'u e parau atu ia outou na,

e rahi ia to 'na oaoa i te reira, i te iva ahuru e iva tiahapa tei ore i haere ê ra. Oia atoa to outou Metua i te ao ra, aore ia i hinaaro e ia moe te hoê i teie nei mau taata rii.

Hebera 4:16

E teie nei, e faafatata noa 'tu tatou i te terono o te aroha mau ra, ia arohahia mai tatou nei, e ia noaa te maitai ei turu mai ia tatou i te tau e au ai ra.

Tito 3:5

Ua faaora oia ia taou, eiaha no te parau-tia i ravehia e tatou nei, no to 'na râ aroha, i te horoi ra i te fanauraa api, e te faahouraa a te Varua Maitai ra.

TE TITAU MAI NEI TE ATUA IA TATOU 13

E teie nei, e vea matou na te Mesia mai te mea e, te a'o nei te Atua i te taata ia matou nei; ei ono matou i te Mesia, i te a'oraa 'tu i te taata e, E faafaite outou i te Atua.

—2 Korinetia 5:20

2 Timoteo 1:9

O tei faaora ia tatou nei, e ua parau ia tatou i te parauraa mo'a ra, eiaha no ta tatou ohipa, no to 'na iho râ hinaaro, e te aroha mau i horoahia mai i te Mesia ra ia Iesu no tatou, hou teie nei ao ra.

Apokalupo 22:17

E te parau nei te Varua e te vahine faaipoipo api, E haere mai. E o tei faaroo ra, a parau atoa oia e, E haere mai. E o tei poiha ra, a

haere mai. E tei hinaaro ra, a rave noa mai oia i te pape ora.

Ioane 7:37

E tae a'era, i te mahana rahi hopea o taua oroa ra, ua tia a'era Iesu, ua pii maira, na ô maira, Te taata i hiaai ra, e haere mai oia ia 'u nei a inu ai.

Luka 14:17

E tae a'era i te hora e amu ai ra, ua tonono atura oia i te tavini e parau atu i te feia i parauhia ra, E haere mai, ua nahonaho roa aore e mea toe.

Mataio 11:28

E haere mai outou ia 'u nei, e te feia atoa i ha'a rahi, e tei teiaha i te hopoia, e na 'u outou e faaora.

14 E 'ERE TE TAATOARAA I TE TAMARII NA TE ATUA

1 Ioane 3:10

O te mea teie e itea 'i te tamarii a te Atua, e te tamarii a te diabolō: o tei ore i rave i te parautia ra, e ere ia i to te Atua; e ere atoa tei ore i aroha i tana taeae.

O te feia atoa hoi i arataihia e te Varua o te Atua ra, e tamarii ana'e ia ratou na te Atua. E ere hoi i te varua tavini tei noaa ia outou ia mātā'u faahou; o te Varua faatamarii rā tei noaa ia outou, i parau ai hoi tatou, E Aba, e tau Metua. —Roma 8:14, 15

Ia riro outou ei feia hapa ore, e te ino ore, ei tamarii na te Atua aore e faainoraa, i rotopu i teie nei

ui pi'o e te mārō; ia anaana maite outou i roto ia ratou mai te mau tiarāmā o te ao nei. —Philipi 2:15

E teie nei, te na ō maira Iehova, E haere mai outou i rapa'e au mai roto mai ia ratou ra, ia taa ē outou, e eiaha e rave noa 'tu i te mea viivii ra; e na 'u e farii atu ia outou, e ei metua vau no outou, e ei tamarii tamaroa outou na 'u e ei tamarii tamahine, te parau maira Iehova tei tia ia 'na te mau mea atoa ra. —2 Korinetia 6:17, 18

Te feia atoa rā i ite atu ia 'na i te faaroora i to 'na ra i'oa, homai ra oia i te mana ra ia ratou ei tamarii na te Atua. —Ioane 1:12

E AHA TA TE ATUA PARAU NIA I TE TAAERO 15

E rahi hoi oia i mua i te aro o te Fatu, e ore e inu i te uaina e te ava taero; e faaihia ra oia i te Varua Maitai mai te opu mai â o to 'na metua vahine. —Luka 1:15

Galatia 5:19-21

E teie nei, o ta te tino e rave nei, ua itea ia, oia hoi te faaturi, te poreneia, te mau peu faufau ra, te taiata, te haamori idolo, te tahu-tahu, te tairoiro, te tama'i, te mârô, te iria, te vahi a vai ra, te amahamaha, te hairesi, te feii, te taparahi taata, te taero ava, te ohamu tiaâ ra, e mai te reira atoa te huru; o ta 'u e faaite atea noa 'tu ia outou i teie nei, mai ta 'u â hoi i faaite ia outou i mutaa ihora,

e te feia e rave i te reira ra mau peu, e ore ratou e parahi i te basileia o te Atua ra.

Roma 13:13, 14

Ei haere nehenehe to tatou mai te haere ao ra, eiaha ma te hōri ra, e te faataero ra, eiaha te parau faufau, e te taiata ra, eiaha te mârô e te feii ra. E tuu râ outou i ta te Fatu ra ta Iesu Mesia i nia iho ia outou, e eiaha e faaitoito i ta te tino, ia tupu to te te tino hinaaro.

E ara râ ia outou, o te teimaha outou i te rahi o te maa e te taero, e te peapea o teie nei ao, a roohia mai ai outou e taua mahana ra aore i mana'ohia. —Luka 21:34

Mareko 10:17-22

E te haere atura oia i nia i te aratia ra, te horo maira te hoê taata, ua tuu ihora i te turi i raro i mua ia 'na, ua ui maira, E te orometua maitai ra, eaha vau e noaa 'i te ora mure ore? Ua parau atura Iesu ia 'na, Eaha oe i haamaitai mai ai ia 'u? o te Atua ana'e ra te maitai. Te ite na oe i te ture, Eiaha e faaturi; Eiaha e taparahi; Eiaha e eiâ; Eiaha e haavare; Eiaha e rave ino; E faatura 'tu i to metua tane e to metua vahine. Ua parau maira oia ia 'na, na ô maira, E te Orometua, ua hope roa te reira i te haapaohia e au mai to 'u apiraa mai â. Ua hi'o

atura Iesu ia 'na e ua aroha 'tura ia 'na, na ô atura, Te toe ra te hoê mea ia oe: a haere a hoo atu i ta oe ra e hope roa 'e, a hopoi atu ai na te taata rii, e e tao'a ta oe i te ao i reira; a haere mai ai, a rave ai i to satauro, a pee mai ai ia 'u. Taiâ atura oia i te reira parau, haere atura ma te oto, e tao'a rahi hoi ta'na.

1 Ioane 5:11, 12

Teie hoi taua parau ra, ua horoa mai te Atua i te ora mure ore no tatou; e tei ta 'na Tamaiti hoi taua ora nei. Tei ia 'na te Tamaiti ra, tei ia 'na atoa taua ora nei; e aore ia 'na te Tamaiti a te Atua ra, aore atoa teie nei ora ia 'na.

Iakobo 1:22

Ei feia rave hoi outou i te parau nei, eiaha ei feia faaroo noa, i te haavare-noa-raa ia outou iho.

Ephesia 5:6

Eiaha roa ei taata e haavare mai ia outou i te parau faufaa ore; no taua mau mea ra e roohia mai ai te tamarii faaroo ore e te riri o te Atua ra.

1 Korinetia 6:9, 10

Eaha! aita outou i ite e e ore te feia parau-tia ore e parahi i te basileia o te Atua? Eiaha e vare; e ore hoi te taiata, e te haamori idolo, e te faaturi, e te mahu, e te

paia, e te eiâ, e te nounou tao'a, e te taero ava, e te faaino, e te haru e ore ana'e ia e parahi i te basileia o te Atua.

1 Ioane 3:7, 8

E au mau tamarii ra, eiaha roa outou e vare i te taata: o tei rave i te parau-tia ra, etaata parau-tia ia, mai te Mesia taata parau-tia ra, O tei rave i te hara ra, no te diabolo ia, i rave na te diabolo i te hara mai te matamua mai â.

Galatia 6:3

Te mana'o ra hoi te hoê taata ia 'na iho, e, e faufaa ta 'na, e aita roa a 'na, ua vare oia ia 'na iho.

Roma 5:12

E teie nei, no te taata hoê ra i ô mai ai te ino i te ao nei, e no te ino hoi te pohe; e ua taea-atoa-hia te taata atoa e te pohe i te mea ua hara paatoa.

Iakobo 1:15

E ua tō ana'e taua hinaaro tia ore ra, fanau maira ta 'na, o te hara; e ia rave-faahope-hia te hara ra, fanau maira ta 'na, o te pohe.

Roma 8:6, 7

O te haapao hoi i ta te tino ra, o te pohe ia; area o te haapao i ta te Varua ra, o te ora ia e te hau. No te mea o taua hinaaro o te tino ra, e mea au ore ia i te Atua; e ore hoi te

reira e auraro i te ture a te Atua, e ore hoi e tia ia na reira.

Roma 6:21

Eaha hoi ta outou faufaa i noaa i taua mau mea ra ta outou e haama i teie nei? e pohe hoi te hopea o taua mau mea ra.

Luka 15:32

E mea tia hoi ia tatou ia faaamuraa maa e ia oaoa; o to taeae nei hoi, i pohe na, e ua ora mai nei; i moe na, e ua itea mai nei.

Roma 6:23

E utua te pohe no te hara, area te ora mure ore ra, e mea horoanoa-hia mai ia e te Atua i roto i to tatou ra Fatu ia Iesu Mesia.

Luka 7:14, 15

Ua faafatata 'tura oia, rave atura i te iri hopoi ra (faaea noa ihora te feia i hopoi), na ô atura, E teie nei taata apî, a tia, te parau atu nei au ia oe. Ua tia maira taua taata i pohe ra i nia, e ua parau maira

Ioane 11:43, 44

E oti a'era taua parau ra, ua faateitei a'era i tana reo, ua pii atura, E Lazaro, a haere mai i rapae. Ua haere maira taua taata i pohe ra i rapae, ua taamuhia na rima e na avae, i vehihia hoi te mata i te ahu; ua parau atura Iesu ia ratou, A tatara, e tuu atu ia 'na ia haere na.

Ioane 10:17, 18

I here mai ai tau Metua ia 'u, o vau e horoa i to 'u ora, e a rave faahou atu ai. Aore roa e taata e riro ai ia haru, na 'u iho râ e horoa noa 'tu. E tia ia 'u ia horoa, e e tia hoi ia 'u ia rave faahou. O ta tau Metua ia i faaue mai ia 'u.

Apokalupo 1:18

O vau teie e ora nei, pohe noa'i au: e inaha, e tia vau i te oraraa e a muri noa 'tu. Amene; e tei ia'u te taviri o te pohe e to hade.

Mai te Metua hoi e faaora i tei pohe ra e ua faatia ia ratou i nia e faaora atoa hoi te Tamaiti i ta 'na i hinaaro. —Ioane 5:21

Mareko 10:17-21

... E te orometua maitai ra, eaha vau e noaa 'i te ora mure ore? Ua parau atura Iesu ia 'na, Eaha oe ia haamaitai mai ai ia 'u? o te Atua ana'e ra te maitai. Te ite na oe i te ture, Eiaha e faaturi; Eiaha e taparahi; Eiaha e eiâ; Eiaha e haavare; Eiaha e rave ino; E faatura 'tu i to metua tane e to metua vahine. Ua parau maira oia ia 'na, na ô maira, E te Orometua, ua hope roa te reira i te haapao-hia e au mai to 'u apiraa mai â. Ua hi'o atura Iesu ia 'na e ua aroha 'tura ia 'na, na ô atura, Te toe ra te hoê mea ia oe: a haere a hoo atu i ta oe ra e hope roa 'e, a hopoi atu

ai na te taata rii, e e tao'a ta oe i te ao i reira; a haere mai ai, a rave ai i to satauro, a pee mai ai ia 'u.

Ua parau atura Iesu, Hinaaro oe i to Atua ia Iehova ma to aau atoa, e ma to varua atoa, e ma to mana'o atoa. O te ture matamua teie e te hau i te rahi. E mai te reira atoa te piti; E aroha 'tu oe i to taata-tupu, mai to aroha ia oe iho na. Te ture atoa e te mau peropheta, tei teie nei ia pue ture e pit, nei.

—Mataio 22:37-40

Ioane 13:34

E tuu atu vau i te parau api na outou, E aroha outou ia outou iho, mai ia 'u e aroha 'tu ia outou na, e aroha atoa hoi outou ia outou iho.

EITA E IA OUTOU IA HUNA IA OUTOU I TE ATUA

21

Te Ohipa 17:27, 28

Ia imi ratou i te Fatu, penela'e o te perehahu atu ratou ia 'na e itea 'tu, aita râ oia i atea ê atu ia tatou atoa nei: no 'na hoi to tatou ora, e i hahaere ai, e i parahi ai hoi; mai ta ve toofanu o to outou mau rohiphe i parau maira e, E tamarii atoa tatou na 'na.

1 Korinetia 3:20

E ua papaihia hoi, Ua ite te Fatu i te mana'o o te feia paari, e e mea faufaa ore ia.

1 Korinetia 4:5

E teie nei, eiaha e faahapa atea noa; ia tae mai â te Fatu, na 'na e

tuu i te atea i te mau mea pouri hunahia nei, e e faaite hoi i te mau feruriraa o te aau taata nei: noaa ihora i te taata atoa te haamaitai no ò mai i te Atua ra i reira.

Hebera 4:13

Aore roa hoi e mea i moe ia 'na; te vai noa nei râ te mau mea atoa ma te maheu roa i mua i to 'na mata, to tei haava mai ia tatou nei.

Luka 8:17

Aore roa e mea moe e ore e faaitehia; aore hoi e mea hunahia e ore e parare i te itea.

2 Petero 3:7

Area te ra'i e te fenua e vai nei, te tapeahia nei ia e taua parau ra no te auahi ia tae i te mahana haavaraa, i te poheraa o te feia paieti ore ra.

Mataio 18:8

E teie nei, te hapa ra oe i to rima e to avae, e tãpũ e faarue ê atu, e maĩtai a'e oe ia tae pirioi e te rima hoê i te ao ra, i te rima piti e te avae piti ia hurihia i te auahi pohe ore ra.

Mataio 13:41, 42

E tono mai te Tamaiti a te taata i tana man melahi, e na ratou e haaputa ê i te feia faatupu i te

hapa e tei rave atoa i te parau ino no roto mai i to 'na ra basileia; a huri atu ai i roto i te umu auahi ra; tei reira te oto e te auauraa niho.

Apokalupo 20:15

E te taata atoa aore i itea to 'na i'oa i te papairaahia i roto i te buka ora ra, ua hurihia ia i roto i te roto auahi ra.

Mataio 25:46

O te haere ê ia e rave i te pohe mure ore, area te feia parau-tia ra, o te rave ia i te ora mure ore.

2 Tesalonia 1:9

O te utuahia mai ia i te pohe mure ore, mai te aro atu o te Fatu ra, mai te anaana o to 'na ra mana.

Te Ohipa 17:31

No te mea ua haapaohia e ana te mahana e haava mai ai oia i to te ao atoa nei ma te parau-tia, i te taata i haapaohia e ana ra, o ta 'na i faaite hua mai i te taata atoa nei, oia i faatia faahou mai ia 'na mai te pohe maira.

2 Petero 2:9

Ua ite maori te Fatu i te faaora i te feia paieti i roto i te ati ra, e te tapea i te feia parau-tia ore e ia tae i te mahana haavaraa, ia pohe.

1 Ioane 4:17

O te mea teie e maitai roa 'i to tatou aroha, ia noaa hoi ia tatou

te mätä'u ore ia tae i te mahana haavaraa ra; no te mea mai to 'na atoa ra to tatou huru i teie nei ao.

Herbera 9:27

E mai te taata nei hoi ua haapaohia ia hoê a'e poheraa, e muri a'e o te haavaraa ia.

Roma 14:12

E teie nei, e hope roa tatou atoa i te fa'i i te parau ia 'na iho i te Atua ra.

2 Korinetia 5:10

E fa paatoa 'tu hoi tatou i mua i te haavaraa a te Mesia; ia rave te taata atoa e ati noa "e i te utua e au i te mau mea i ravehia e ana i roto i te tino nei, te maitai e te ino.

Roma 5:15

Eita râ tei horoa-noa-hia mai e au i taua hara ra. E rave rahi tei pohe i te hara a te taata hoê ra, e rahi atu hoi te aroha o te Atua, e tei horoahia mai e taua aroha ra, i te tae i te taata e rave rahi, ia Iesu Mesia i te taata hoê ra.

1 Petero 5:5

... E patoi hoi te Atua i tei teoto, e horoa maira i te maitai no tei haehaa.

2 Korinetia 8:9

Ua ite hoi outou i te aroha mau o to tatou Fatu ra o Iesu Mesia, e e tao'a rahi ta 'na, no outou râ riro mai nei oia ei veve, ia rahi ta outou tao'a i taua veve no 'na ra.

Roma 9:16

E teie nei, e ere i to te hinaaro, e ere hoi i to te horo, no te Atua râ i aroha maira.

2 Korinetia 9:15

E teie nei, ia haamaitaihia te Atua i to 'na ra horoa eita e tia ia parau ra.

Tito 3:7

Ia riro tatou i tiahia nei e to 'na ra aroha mau, ei feia tufaa i tei tiaihia ra, i te ora mure ore.

Te Ohipa 4:33

U'ana maite atura to te mau aposetolo faaiteraa 'tu i te tia-fahou-raa mai o te Fatu ra o Iesu; tura roa 'tura hoi ratou atoa.

Aita 'tura te Atua i haapao i taua mau anotau ite ore ra, teie nei râ, te a'o mai nei oia i te taata atoa e tatarahapa, eiaha ei vahi toe.
—Te Ohipa 17:30

Luka 13:3

E faaite atu vau ia outou, Aore; ia ore râ outou ia tatarahapa, mai te reira atoa ia to outou pohe.

Te Ohipa 3:19

E teie nei, e tatarahapa outou, e e fariu mai, ia paraihia ta outou hara, ia itea mai te anotau haum-âru no ô mai i te aro o te Fatu ra.

Te Ohipa 2:38

Ua parau atura Petero ia ratou, E tatarahapa, e ia bapetizohia outou atoa i roto i te i'oa o Iesu

Mesi ia matara te hara, e horoahia mai ia te Varua Maitai ia outou.

2 Korinetia 7:10

O te oto hoi e au i te Atua ra e faatupu ia i te tatarahapa e tae noa 'tu i te ora, eita ia e tatarahapahia; area te oto o teie nei ao, e faatupu ia i te pohe.

I te na ôraa e, E tatarahapa outou; te fatata mai nei hoi te basileia o te ao.
—Mataio 3:2

Luka 15:7

E faaite atu hoi au ia outou, e oaoa rahi to nia i te ra'i i te taata hara hoê ia tatarahapa, i te feia parau-tia e ia iva noa 'tu te ahururaa e iva tiahapa te ore e au ia ratou te tatarahapa.

Mataio 6:14

Ia faaore hoi outou i ta vetahi ê ra hapa, e faaore atoa mai to outou Metua i te ao ra i ta outou.

Apokalupo 3:20

Inaha, te tia noa nei au i te uputa, te patoto atu nei; ia faaroo mai te hoê taata i tau reo, e ua iriti i te opani ra, e haere atu vau i roto ia 'na ra, amu atu ai i te maa i ð na ra, e e amu atoa oia i ð nei i o 'u nei.

Ioane 8:11

...ua parau atura Iesu ia 'na, Eita atoa vau e faautua 'tu ia oe: a haere, eiaha râ ia hara faahou.

Luka 24:47

E ia poro-haere-hia te tatarahapa e te faaoreraa i te hara i to 'na ra i'oa, na Ierusalema 'tu nei â, e ati noa, "Ie te mau fenua atoa e tia 'i.

Te Ohipa 5:31

Oia ta te Atua i faateitei a'enei i tana rima atau ei Arii e ei Ora, ia horoa mai hoi i te tatarahapa no Iseraela, e te matara hoi o te hara.

Mareko 2:5

E ite atura Iesu i to ratou faaroo, ua parau atura i taua hapepa ra, E tau tamaiti, ua faaorehia ta oe hara.

Ephesia 5:11

E eiaha roa ei amuiraa i te feia parau faufaa ore o te pouri ra, e a'o atu râ.

Iakobo 4:4

E te mau faaturi tane, e te mau faaturi vahine, aore outou i ite e, o te hinaaro i teie nei ao, o taua au ore ia i te Atua ra? E teie nei, o tei titau e ei taua oia no teie nei ao, ua taa maite ia oia, e e enemi ia no te Atua.

1 Ioane 2:15, 16

Eiaha e hinaaro i teie nei ao, e te mau mea atoa o teie nei ao O te tata i hinaaro i teie nei ao ra, aore te hinaaro i te Metua ra i roto ia 'na. O te mau mea atoa o teie nei

ao, o te hinaaro tia ore o te tino nei, e te hinaaro tia ore o te mata nei, e te ahaaha o te oraraa nei, e ere ia i to ô mai i te Metua ra, no teie nei ao ana'e ia.

Kolosa 3:2

E haamau i to outou aau i te mau mea i nia ra, eiaha i to teie nei ao ra.

Tito 2:11, 12

O te aroha mau o te Atua e ora 'i te taata atoa ra, ua itea mai nei ia, i te faaiteraa mai ia tatou e, e haapae tatou i te paieti ore, e te hinaaro i teie nei ao, e ia parahi tatou ma te haapao maitai, e te parau-tia, e te paieti, i teie nei ao.

Ioana 10:10

O te eiâ ana'e ra ta te eiâ i haere mai ai, e o te taparahi hoi e ia pau roa; i haere mai nei au ia noaa to ratou ora, e ia rahi atu â te ora.

1 Ioane 2:29

Te ite ra outou e, e parau-tia ta 'na ra, ua ite atoa outou e, o te feia atoa i rave i te parau-tia ra, e mea fanau ana'e ia na 'na.

1 Petero 1:23

No te mea ua faafanau-faahou-hia, eiaha no te huero tahuti noa, no te huero tahuti ore râ, i te parau a te Atua ora, o te tia i te vairaa eita roa e mure ra.

1 Ioane 5:18

Ua ite tatou e o ta te Atua i fanau, e ore ia e rave i te hara: o ta te Atua râ i fanau ra te tia i ra ia ia 'na iho, e ore taua varua ino ra e rave mai ia 'na.

Ioane 3:3

Ua parau atura Iesu, na ô atura ia 'na, Amene, amene, e parau atu vau ia oe, Ia ore te taata ia fanau faahou ra, e ore oia e ite i te basileia o te Atua ra.

2 Korinetia 5:17

Tei roto ana'e te taata i te Mesia ra, ua riro ia ei taata api; ua ore te mau mea tahito ra; inaha, ua riro te mau mea atoa ei mea api.

TE POHE I TE HARA — TE ORA IA IESU MESIA

29

Ephesia 2:1 e 6

O outou tei faaorahia e te Atua, o tei pohe i te hara e te ino ra, ... e ua faatia ia tatou atoa i nia, e ua haaparahi ia tatou atoa i te ao i te Mesia ra ia Iesu.

Kolosa 3:1

E tena na, ua faatihia outou i nia e te Mesia atoa ra, e titau i te mau mea i nia ra, i te vahi e parahihia e te Mesia i te rima atau o te Atua ra.

1 Petero 2:24

O tei maraa hoi ia 'na iho ta tatou hara i to 'na iho tino i nia i te satauro, ia haapao tatou, o tei

matarā mai i te hara ra, i te parau-tia: no to 'na hoi iravarava i ora 'i outou.

Galatia 5:24

E to te Mesia ra taata, ua faasatauro ia ratou i te tino, ma to 'na mana'o, e te hinaaro tia ore atoa ra.

Roma 6:2 e 11

... o tatou hoi o tei pohe i te hara ra, eaha hoi tatou e ora 'i i te reira; ... E mana'o atoa hoi outou ia outou iho, e ua pohe mau i te ino ra, ia ora rā outou i te Atua, i to tatou Fatu ra ia Iesu Mesia.

Galatia 6:8

O te ueue i ta to 'na ihora tino, o te pohe ta 'na e noaa i te tino ra; e o te ueue i ta te Varua ra, o te ora mure ore ta 'na e noaa i te Varua ra.

Ioane 3:14, 15

Mai ia Mose i faateitei i te ophi i te medebara ra, oia atoa te Tamaiti a te taata, e fateitei-atoa-hia ia: ia ore ia pohe e faaroo ia 'na ra, ia roaa râ te ora mure ore.

Roma 6:23

E utua te pohe no te hara, area te ora mure ore ra, e mea horoa-noa-hia mai ia e te Atua i roto i to tatou ra Fatu ia Iesu Mesia.

Ioane 5:24

Amene, amene, e parau atu vau ia outou, O tei ite i ta 'u parau e ua faaroo ia 'na i tei tono mai ia 'u nei, e ora mure ore to 'na, e ore ia e faahapahia, mai te pohe mai ia, e tei te ora 'tura.

Ioane 3:36

O tei faaroo i te Tamaiti ra e ora mure ore to 'na; e o tei ore i faaroo i te Tamaiti ra, e ore oia e ite i te ora; te vai ra ia te riri o te Atua i nia iho ia 'na.

Ioane 17:3

Teie hoi te ora mure ore, ia ite ratou ia oe i te Atua mau ra, e ia Iesu i te Mesia i ta oe i tono mai.

1 Ioane 2:3

Teie te mea e ite ai tatou e, ua ite tatou ia 'na, ia haapao tatou i ta 'na parau.

Galatia 4:6

E no te mea e tamarii outou na, ua tuu mai te Atua i te Varua o ta 'na Tamaiti i roto i to outou aau, i te tauraa e, Aba, E tau Metua.

Roma 8:16

O te Varua iho hoi, e to tatou atoa nei varua, o tei faaite ia e, e tamarii tatou na te Atua.

Ioane 14:21

Tei ia 'na ta 'u ra parau e ua haapao oia i taua parau ra, oia tei hinaaro mai ia 'u; e tei hinaaro mai

ia 'u ra, e herehia mai oia e tau Metua ra; e e here hoi au ia 'na, e e faaite atu hoi au ia 'na ia 'u iho.

1 Ioane 3:18, 19

E au mau tamarii ra, eiaha to tatou te aroha vaha ana'e e te aroha arero; ei aroha rave râ, ei mea mau. O te mea teie e ite ai tatou e, no te parau mau tatou, e e mahoru ai to tatou aau i mua ia 'na ra.

1 Ioane 4:13

O te mea teie i ite ai tatou e te parahi nei tatou i roto ia 'na, e te parahi nei oia i roto ia tatou, no te mea ua horoa mai oia i to 'na Varua ia tatou nei.

IESU MESIA, TE NOHO I ROTO TE AAU TE HOROA I TE OAOA

Roma 14:17

E ere hoi te basileia o te Atua ra i te amu e te inu, o te parau-tia râ, e te hau, e te oaoaraa i te Varua Maitai ra.

Galatia 2:20

Ua faasataurohia vau mai to te Mesia ra, te ora noa nei râ vau; e ere hua râ vau, te ora nei râ te Mesia i roto ia 'u nei; e to 'u nei oraraa i roto i te tino nei, te ora nei au i te faaroo i te Tamaiti a te Atua; o tei aroha mai ia 'u, e ua horoa ia 'na iho no'u.

1 Petero 1:8

O ta outou i hinaaro na, ore noa 'i te ite ia 'na; o ta outou e oaoa na

i te oaoa eita e tia ia parau ra, e te i hoi i te maitai, i te faarooaraa 'tu, ore noa 'i outou i te hi'o atu ia 'na i teie nei.

Ioane 15:11

I parau atu vau ia outou i teie nei mau parau, ia vai â to 'u oaoa ia outou, e ia tia atoa hoi to outou oaoaraa.

Ioana 16:22 e 24

Oia hoi outou e oto i teie nei ra; e ite faahou mai râ vau ia outou e e oaoa to outou aau, e e ore roa to outou oaoa e riro ia vetahi ê... Aore a outou mea i ani ma to 'u nei io'a; e ani, e roaa ia ia outou, ia tia roa to outou oaoa.

E MEA TITAUHIA TE FAAROO I TE REO 33 O TE ATUA

Rom 2:13

E ere hoi tei faaroo noa i te ture ra, i te feia parau-tia i te aro o te Atua, o tei haapao râ i te ture ra, o te parauhia ia e, e feia parau-tia.

Rom 6:16

Aita outou i ite e, o ta outou i horoa ia outou iho ei tavini ei faaroo atu ia 'na, e tavini ia outou no 'na no ta outou e faaroo ra; no te ino ra e pohe atu, no te reira ia, no te haapao e noaa 'tu te parau-tia ra, no te reira ia?

2 Tesalonia 1:7-9

Area ia outou i tei hamani-ino-hia ra, o te ora ia ta 'na e tuu mai

no tatou atoa nei, ia fa mai te Fatu ra o Iesu mai te ra'i mai, ma tana mau melahi mana atoa ra, ma te auahi ura ra, i te tuuraa mai i te pohe i te feia aore i ite i te Atua, e tei ore i faaroo i te evanelia o to tatou Fatu o Iesu Mesia ra: o te utuahia mai ia i te pohe mure ore, mai te aro atu o te Fatu ra, mai te anaana o to 'na ra mana.

Apokalupo 22:14

E ao to te feia e haapao i ta 'na ra parau, ia au ia ratou ia amu i tonia i te raau ora ra, e ia na te mau uputa ratou i te tomo i roto i te oire ra.

34 E MEA TITAUHIA FAAITE OUTOU O VAI IESU MESIA

Philipi 2:11

E ia fa'i te mau vaha atoa, e o Iesu Mesia te Fatu, e hanahana 'tu te Atua Metua ra.

Mataio 10:32, 33

E teie nei, o tei fa'i ia 'u i mua i te aro o te taata nei, e fa'i atoa vau ia 'na i mua i te aro o tau Metua i te ao ra. O tei huna râ ia 'u i mua i te aro o te taata nei, e huna atoa vau ia 'na i mua i te aro o tau Metua i te ao ra.

Roma 10:9, 10

Ia fa'i hoi to vaha i te Fatu ra ia Iesu, e ia faaroo to aau e ua faatia te Atua ia 'na i te poheraa ra, e ora

ia oe. O te aau hoi to te taata nei i faaroo, e ia roaa 'tu te parau-tia; o te vaha hoi tei fa'i i te parau, e ia roaa 'tu te ora.

Luka 9:26

O te taata hoi e haama ia 'u e ta 'u nei parau, e haama atoa te Tamaiti a te taata nei ia 'na, ia haere mai oia ma to 'na iho hanahana, e ma te hanahana atoa o te Metua, e no te mau melahi mo'a ra.

1 Ioane 2:23

O tei huna i te Tamaiti ra, aore atoa oia i farii i te Metua: o tei farii râ i te Tamaiti ra, tei ia 'na atoa te Metua.

Ephesia 6:11

A ahū na i te haana tama'i atoa a te Atua ra, ia tia ia outou ia patoi atu i te mau ravea paari a te diabolo ra.

Te Ohipa 26:18

Ei faaaraa i to ratou mata, ia fariu mai ia ratou i te maramarama mai te pouri mai e mai te hau hoi o Satani i te Atua, ia noaa hoi ia ratou te faaore i te ratou hara, e te hoê tufaa i roto i te feia i haamaitaihia i te faarooraa ia 'u.

Mataio 4:1 e 10, 11

E i arataihia Iesu e te Varua i te medebara ra ia faahemahia oia e te diabolo ra. . . . Ua parau atura

Iesu, E haere ê atu oe, e Satani; ua oti hoi i te papaihia, O to Atua o Iehova ta oe e haamori, e oia ana'era ta oe e faaroo. Faarue ihora te diabolo ia 'na, e inaha, e mau melahi tei haere mai e ua tauturu maira ia 'na.

2 Tesalonia 2:9

O taua taata e au to 'na haerea mai i te ravea puai a Satani ra, ma te mana, e te tapao, e te semeio haavare ra.

1 Petero 5:8

E haapao maitai, e faaitoito, te hahere nei hoi to outou enemi o te diabolo, mai te liona uuru ra, i te imiraa i te taata e pau ia 'na ra.

2 Tesalonia 2:8

E i reira taua taata paieti ore ra e faaitchia 'i, o ta te Fatu ia e rave e pau roa 'tu i te aho o to 'na vaha, e e haamou roa 'tu i te anaana o to 'na taeraa maira.

Iakobo 4:7, 8

E tena na, e auraro atu outou i te Atua. E patoi atu i te diabololo, e na 'na e maue ê atu. E haafatata 'tu i te Atua, e na 'na e haafatata mai ia outou na

Roma 8:35 e 37

Na te aha e faata ê ia tatou i te aroha o te Mesia ra? na te ma'i anei, e na te ahoaho, e na te hamani ino, e na te poia, e na te veve,

e na te ati, e na te 'o'e anei? . . . E ore, e riro te re i taua mau mea atoa nei ia tatou, i tei aroha mai ia tatou nei.

Hebera 2:14

E teie nei, no te mea e tino to te tamarii ra, ua rave atoa hoi oia iho i te reira, ia na te pohe oia i te faaere atu ia 'na no 'na te pohe nei, oia hoi te diabololo ra.

1 Ioane 3:8

O tei rave i te hara ra, no te diabololo ia, i rave na te diabololo i te hara mai te matamua mai â. No reira i faaitchia mai ai te Tamaiti a te Atua ra, ia haamou oia i te ohipa a te diabololo ra.

Ia parau te hoê taata e, Te hinaaro nei au i te Atua; e aore oia i aroha i tana taeae, e haavare oia: o tei ore i aroha i tana taeae tei hi'ohia e ana ra, eaha e tia 'i ia 'na ia hinaaro i te Atua, tei ore i hi'ohia e ana ra? —1 Ioane 4:20

1 Korinetia 13:1

Parau noâ vau i te mau parau atoa a te taata nei, e ta te mau melahi atoa ra, e aita o 'u aroha, ua riro ia vau mai te veo ooto ra, e mai te sumebalo maniania ra.

Area ta te Varua e faatupu ra, o te hinaaro ia, te oaoa, te hau, te faaoromai, te mărû, te maitai, te faaroo. Te mamahu, te hitahita ore —Galatia 5:22, 23

Ioane 13:35

O te mea teie e ite ai te taata atoa e, e pīpī outou na 'u, ia aroha outou ia outou iho.

Ua parau faahou atura oia ia 'na, o te piti ia o te parauraa 'tu, E Simona a Iona e, te hinaaro na oe ia 'u? Ua parau maira oia oia ia 'na, E te Fatu, e, ua ite oe e, te hinaaro atu nei au ia oe. Ua parau atura Iesu ia 'na, A tia i tau mau mamoe. —Ioane 21:16

Ua ite tatou e, mai te pohe mai tatou, e tei te ora mai nei, no te mea te aroha nei tatou i te mau taeae. O tei ore e aroha i tana taeae ra, te vai râ ia i roto i te pohe. —1 Ioane 3:14

Te Ohipa 10:39-41

O matou nei hoi te ite i te mau peu atoa ta 'na i rave i Ierusalema ra, e te fenua atoa hoi o te ati Iudara; e ua taparahi hoi ratou e faauta 'tura ia 'na i nia i te raau. Oia hoi ta te Atua i faatia a'enei i nia i te rui toru ra, e ua faaite ia 'na i te vahi atea ra; eiaha râ i te taata atoa ra, i te feia râ i haapao-hia e te Atua ei ite ra, oia hoi matou nei, o tei amu atoa e tei inu hoi e oia atoa, i muri a'e i tana tiaraa mai mai te pohe maira.

Ioane 20:26-28

E rui varu a'era, tei roto faahou atura te mau pipi i te fare, e o Toma atoa hoi, ua haere maira

Iesu, ua opanihia na opani, ua tia maira oia i ropu, ua parau maira, Ia ora na outou. Ua fariu maira ia Toma, ua parau maira, A faatoro mai na to rima, e a hi'o mai na hoi i tau rima nei; e a faatoro mai na hoi i to rima e fafa i tau aoao, eiaha e faaroo taiata, e faaroo râ. Ua parau atura Tomo ia 'na, na ô atura, E tau Fatu, e tau Atua.

Mareko 16:9

Tia a'era Iesu i nia i te poipoi roa i te mahana matamua o te hebedoma ra, e ua na mua i te faaite ia 'na iho ia Maria i Magadala ra, ta 'na i tiavaru na demoni toohitu no roto ia 'na ra.

TE TIAFAAHOURAA TO TATOU TIATURI HANAHANA

39

I reira Iesu i te faaiteraa 'tu i ta 'na mau pipi, e e haere oia i Ierusalemā e e rahi to 'na hamani-ino-hia i reira e te feia paari, e te mau tahu'a rarahi ra, e te mau papai parau, e e taparahipohe-roa-hia hoi, e e faatia-faahou-hia oia ia tae i te rui toru ra. —Mataio 16:21

... Ua fatata e teie nei ā te hora e faaroo ai tei pohe i te reo o te Tamaiti a te Atua, e te faaroo ra, e ora ia. . . . Eiaha e maere i te reira; te tefatata mai nei hoi te hora e faaroo ai te feia atoa i roto i te apoo ra i tana reo, e e haere mai i rapae; e te feia i mau na i te parau maitai ra, e tia mai ia e rave i te

ora; e te feia hoi i mau na i te parau ino ra, e tia mai ia e rave i te pohe. —Ioane 5:25 e 28, 29

Roma 6:3-5

Aitā outou i ite o tatou atoa tei bapetizohia i roto i te Mesia ra ia Iesu, ua bapetizohia ia i roto i to 'na ra pohe? E teie nei, ua tanuhia tatou e oia atoa, i te bapetizoraa-hia i roto i to 'na ra pohe; mai te Mesia i faatiahia e te mana o te Metua i te poheraa ra, ia haapao atoa tatou i te haerea e au i te ora api. I apiti-atoa-hia hoi tatou ia 'na i te huru o to 'na ra pohe, e apiti-atoa-hia ia tatou i te huru o to 'na ra tia-faahou-raa i nia.

Luka 1:74, 75

E e horoa mai oia i te mātā'u ore no tatou, tatou i faaorahia i te rima o to tatou mau enemi, ia haamori tatou ia 'na, ma te viivii ore e te parau-tia i mua i tana aro e hope roa" e o tatou pue mahana.

2 Korinetia 7:1

E teie nei, e au mau here e, tei ia tatou taua mau maitai i parauhia maira, e tamāhua tatou ia tatou iho i te mau viivii atoa o te tino e te varua, ma te faatupu hua i te maitai i te mātā'uraa 'tu i te Atua.

2 Timoteo 2:21

E teie nei, ia tamā maite te taata ia 'na iho i teie nei mau

parau, e riro oia ei farii no te maitai, e haamo'ahia, e te au hoi i to te Fatu ra hinaaro, e te nehenehe hoi ia rave i te mau ohipa maitatai atoa ra.

1 Petero 1:2

I maitahia i te opua-atea-raa a te Atua Metua ra, i te haamaitai a te Varua, ia faaroo e ia noaa te pipiraa i te toto o Iesu Mesia ra: Ei ia outou te aroha mau e te hau e ia rahi atu ā.

1 Petero 1:15

Mai ia 'na hoi i parau mai ia outou e mo'a ra, ia mo'a atoa outou i ta outou mau parau atoa.

Hebera 12:14

E tapi i te hau i te taata atoa nei, e te maitai, aore e maitai ra, aore roa ia e taata e ite i te Fatu.

Hebera 13:12

Oia atoa Iesu, i pohe ai oia i rapae au mai i te uputa o te oire ra, ia haamo'a oia i te taata i to 'na ihora toto.

1 Ioane 1:9

Ia fa'i râ tatou i ta tatou hara, e parau mau ta te Atua e te tia i te faaoreraa mai i ta tatou hara, e te tamâraa ia tatou i te mau parau-tia ore atoa.

Mataio 3:11

O vau nei, te bapetizo nei ia ia outou i te pape ia tatarahapa ou-

tou, oi'a râ o te haere mai i muri iho ia 'u nei, e mana rahi to 'na i to 'u, e ore au e au ia hopoi i to 'na tamaa; e bapetizo ia oia ia outou i te Varua Maitai e te auahi.

Ephesia 1:4

Oia i maiti ia tatou i roto ia'na hou te tumu o teie nei ao ra, ia riro tatou ei feia mo'a e te hapa ore i mua i tana aro ma te aroha.

Ephesia 4:24

E ia faataata api hoi outou, o tei hamanihia ia au i te Atua ra, i te parau-tia e te maitai mau ra.

Hebera 12:14

E tapi i te hau i te taata atoa nei, e te maitai, aore e maitai ra, aore roa ia e taata e ite i te Fatu.

42 TE MAU TAATA TEI 'I I TE VARUA MAITAI

Luka 11:13

E tena nā, te ite na outou i te horoa i te mea maitai na ta outou tamarii, ino noa 'i outou na, e rahi atu ia to outou Metua i te ao ra i te horoa i te Varua Maitai i te feia i ani atu ia 'na ra.

Te Ohipa 1:8

E noaa rā to outou mana i te Varua Matai ia haere mai i nia iho ia outou

Te Ohipa 7:55

Ī a'era rā oia i te Varua Maitai, e hi'o tamau maite atura i nia i te ra'i, e ite atura i te hanahana o te Atua, e ia Iesu i te tiamaiterāa i te rima atau o te Atua ra.

Roma 8:9

Aore rā outou i au i ta te tino ra, te au nei rā i ta te Varua ra, no te mea te parahi ra te Varua o te Atua i roto ia outou. Te ere ra rā te hoê taata i te Varua o te Mesia ra, e ere ia oia i te taata no 'na.

Te Ohipa 13:52

Ī a'era te mau pipi i te oaoa e i te Varua maitai.

Te Ohipa 4:31

E te pure ra ratou, aueue ihora ta ratou vahi e apoo ra, e faaibia maira ratou atoa i te Varua Maitai, ua parau noa ihora i te parau a te Atua ma te māta'u ore.

TE PARAU FAFAU FAAHIAHIA NO MAU 43 TERETETIANO "KIRITIANO"

Mareko 9:23

Ua parau atura Iesu ia 'na, I tia ia oe ia faaroo ra, e tia te mau mea atoa nei i te taata i faaroo.

Mataio 28:20

... e inaha, tei pihai atoa iho ia vau ia outou, e tae noa'tu i te hopea o teie nei ao. Amene.

E au mau here e, eiaha e maere i te hamani ino u'ana i roto ia outou ei tamataraa ia outou, mai te mea e ua roohia outou i te tahi mea ê: e oaoa râ, i te mea te rave atoa ra outou i te mau pohe o te Mesia; e ia faaitehia mai to 'na hanahana, ia hiemateoa outou ma te oaoa rahi.

—1 Petero 4:12, 13

Mataio 6:33

E mata na râ outou i te imi i te basileia o te Atua, e te parau-tiana 'na; e amui-atoa-hia mai taua mau mea ra ia outou.

Apokalupo 21:4

E na te Atua e horoi i to ratou roimata atoa; e e ore roa te pohe, e te oto, e te mihi, e te mauui, e ore atoa ia, no te mea ua mou te mau mea tahito ra.

2 Petero 1:4

I horoahia mai ai te maitai rahi roa i parauhia maira, ia noaa ia outou te huru Atua i te reira, i te mauê-raa 'tu i te ino e vai i teie nei ao no te hinaaro tia ore ra.

44 TE PARAU FAFAU NO TE FEIA O TEI ROTO I TE MAUIUI E TE OTO

Roma 16:20

E teie nei, na te Atua hau e haaparuparu ia Satani i raro a'e i to outou avae eita e mahia. Ei ia outou te ite mau o to tatou Fatu o Iesu Mesia. Amene.

Roma 8:28

Ua ite hoi tatou e, te faatupu nei te mau mea atoa i te maitai no te feia hinaaro i te Atua, te feia i parauhia mai i te opuarā na 'na rā.

Aita outou i roohia e te ati maori rā mai ta te taata nei ā; e parau mau ta te Atua e ore oia e vaiho noa ia outou ia ati, maori rā o te tia ia outou ia faaoromai ra; e

faatupu atoa oia i te haapuraa i taua ati ra, ia tia ia outou ia faaoromai. —1 Korinetia 10:13

To tatou hoi pohe iti poto māmā i teie nei, te faatupu nei ia i te ora rahi roa teimaha e te mure ore no tatou. —2 Korinetia 4:17

Iakobo 1:12

E ao to te taata e faaoromai i te ati, ua tia-ana'e-hia mai hoi oia ra, e roaa ia ia 'na te korona ora, i ta te Fatu i parau mai e no te feia i hinaaro ia 'na ra.

Hebera 2:18

E oia iho hoi i pohe i te mea i roohia i te ati, e tia hoi ia 'na ia turu mai i te feia i roto i te ati ra.

TE PARAU FAFAU NO TE FEIA I UPOOTIA 45

Apokalupo 3:21

O te riro ia 'na te re ra, e haa-parahi au ia 'na ia 'u nei i nia i to 'u nei terono, mai tei riro atoa mai te re ia 'u ra, e te parahi nei au e tau Metua atoa i nia iho i to 'na ra terono.

Apokalupo 21:7

O te riro ia 'na te re ra, no 'na te mau mea atoa ra; e ei Atua vau no 'na, e ei tamaiti oia na 'u.

Apokalupo 3:12

O te riro ia 'na te re ra, e faariro vau ia 'na ei pou i roto i te hiero o tau Atua, e e ore oia e haere faahou i rapae: e e papai au i te i'oa o tau Atua i nia iho ia 'na, e te i'oa no te oire o tau Atua ra, o

Ierusalemapi, no nia mai i te ra'i, no ô i tau Atua ra; e o to 'u iho hoi i'oa api.

Apokalupo 2:7

E tari'a to 'na ra, e faaroo oia i ta te Varua e parau i te mau ekalesia ra: Te riro ia 'na te re ra, e faaamu ia vau ia 'na i te raau ra o te ora, e tia i rotopu i te paradaiso a te Atua ra.

Apokalupo 3:5

O te riro ia 'na te re ra, e faaa-hubia ia i te ahupu teatea: e ore roa vau e parai i to 'na i'oa i roto i te buka ora, e fa'i hua râ vau i to 'na i'oa i mua i te aro o tau Metua, e i mua hoi i ta 'na ra mau melahi.

46 TE PARAU MAI NEI TE ATUA IA TATOU NI'A I TE FAATAAERAA

1 Korinetia 7:10, 11

E te feia i faaipoipohia ra, teie ta 'u parau, e ere râ ta 'u, na te Fatu râ, Eiaha te vahine e faataa ê i tana tane. Ia fataa ê râ oia ra, e parahi noa oia eiaha e faaipoipo, e e faite hoi oia i tana tane; e eiaha te tane e tuu ê atu i tana vahine.

Roma 7:2, 3

Te vahine tara tane ra, te ora ra te tane, e ati atu oia i tana ra tane, o ta te ture ia; ia pohe râ te tane, ua matara ia oia i te ture i tana ra tane. I riro ê oia i te hoê taata ê te ora ra te tane, e parauhia ia oia i te faaturi; ia pohe râ te tane ra, ua

matara oia i taua ture ra; e ere ia oia i te faaturi, ia faaipoipo i te hoê taata ê ra.

Mataio 5:32

Te parau atu nei râ vau ia outou. O te haapae noa i tana vahine e ere i to te faaturi, ua faariro ia oia ia 'na ei faaturi; e o te faaipoipo i tei haapaehia ra, ua faaturi atoa ia.

Luka 16:18

O tei haapae i tana vahine, a faaipoipo ai i te hoê, ua faaturi ia; e o tei faaipoipo i taua vahine i haapaehia ra, ua faaturi atoa ia.

TE PITI O TE HOIRAA MAI O IESU MESIA 47

Ioane 14:3

E ua oti ana'e i te faaaubhia e au te hoê vahi no outou ra, e ho'i mai au e aratai ia outou i o 'u ra; ei reira atoa outou i te vahi e parahihia e au ra.

Apokalupo 3:11

Inaha, te haere oioi atu nei au; a mau papu i tei noaa ia oe na, eiaha to oe korona ia riro ia vetahi ê.

Mareko 8:38

E teie nei, o te haama ia 'u e ta 'u nei parau i teie nei ui hara e te faaturi, oia atoa ta te Tamaiti a te taata e haama ia tae mai oia ma te hanahana o to 'na ra Metua, e ma te mau melahi mo'a atoa ra.

Mataio 24:30

Ei reira e itea mai ai te tapao no te Tamaiti a te taata i nia i te ra'i ra; ei reira te mau fetii atoa o te fenua nei e oto ai, ia hi'o ratou i te Tamaiti a te taata i te haerea mai na nia i te ata o te ra'i ra, ma te mana e te hanahana rahi.

Iakobo 5:8

E faaoromai atoa hoi outou, e faaitoito na i to outou aau; ua fatata roa taua haerea mai o te Fatu ra.

Mataio 24:27

E au hoi te haerea mai o te Tamaiti a te taata nei i te uira e anapa i te hitia o te râ, e anaana noa 'tura i te tooa o te râ ra.

48 TE PITI O TE HOIRAA MAI O IESU MESIA

E au mau here e, e tamarii tatou na te Atua i teie nei, e aita i itea to tatou huru a muri atu: ua ite ra tatou e, ia fa mai oia ra, e riro tatou mai ia 'na atoa te huru; e ite hoi tatou ia 'na i to 'na ra huru mau. —1 Ioane 3:2

Inaha, mai te eiâ ra to 'u haereraa 'tu. E ao to te ara ra, te tia maite i to 'na ahu ia ore oia ia haere tahaa noa a ite te taata i to 'na nehenehe ore. —Apokalupo 16:15

Te Ohipa 1:11

O tei parau mai ia ia ratou e, E te mau taata o Galilea nei, eaha outou i tia noa 'i e i tiatonu marô ai i nia i te ra'i ra? o Iesu nei â, tei ravehia a'enei i nia i te ra'i, e ho'i

mai ia mai te reira atoa ra, mai ta outou i ite atu ia 'na i te revaraa 'tu i nia i te ra'i ra.

Luka 12:40

E teie nei, ia vai ineina â outou; no te mea ei te hora mana'o-orehia e outou na e tae mai ai te Tamaiti a te taata nei.

Mataio 16:27

E tae mai hoi te Tamaiti a te taata ma tana ra mau melahi atoa, e te hanahana o to 'na ra Metua, ei reira oia e faautua mai ai i te taata atoa ia au i ta 'na ra ohipa.

Ei reira ratou e ite ai i te Tamaiti a te taata i te haerea mai na nia i te ata ma te mana e te hanahana rahi. —Luka 21:27

TE PARAU A TE ATUA

Luka 21:33

E mou te ra'i e te fenua; e ore râ ta 'u nei parau e mou.

Mataio 22:29

Ua parau atura Iesu ia ratou, na ô atura, Te hape nei outou i te ite ore i te parau i papaihia ra, e te mana o te Atua.

2 Petero 1:21

E ere hoi i to te hinaaro o te taata i tae mai ai te tohu i tahito ra; o te mau taata mo'a râ o te Atua tei parau i ta te Varua Maitai i tuu mai ia ratou ra.

2 Timoteo 3:16

Te mau parau mo'a atoa i papaihia ra e mea faaurua mai ia e

te Atua, e e mea maitai ie haapiiraa, ei a'oraa, ei faaiteraa hapa, ei faaite mai i te parau-tia ra.

Ioane 6:63

No te varua te ora, aita o te tino faufaa; te parau ta 'u i parau atu ia outou nei, e varua ia, e ora tei reira.

Hebera 4:12

E mea ora hoi te parau a te Atua, e te puai rahi, e te ooi rahi hoi to te reira i to te 'o'e mata piti ra, i te putapupu-roa-raa hoi e taa ê noa 'tu te varua e te aau, e te tiaatiraa e te puo ivi ra, e te hi'opoa hoi i te mana'o e te opua o te aau ra.

Ua nenei hia teie nei mau parau i roto i na reo 170 no te opere ta moni ore e ati noa ae te ao nei. Mai te mea e te hinaaro nei outou i te tahi atu mau api parau na roto i te reo Tahiti aore ra na roto i te reo Farani aore ra na roto i te hoe reo e tu a papa'i atu a; i te nohooa i raro nei na roto i te reo Paratane:

WORLD MISSIONARY PRESS, INC.

P.O. Box 120

New Paris, Indiana 46553 U.S.A.

Tahiti

Text from the Tahitian New Testament
© by United Bible Societies, 1975. Used by permission.

THT

Tahitian
Printed in U.S.A.